



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Sacrum Sanctuarium Crucis Et Patientiae Crucifixorum Et Cruciferorum**

**Bivero, Pedro de**

**Antverpiæ, M.DC.XXXIV.**

Emblematica Imago XII. S. Petri Episcopi Damasceni Crucifixi Explicata.


[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



12. *Quid moror in terris, cum sint præcisâ laboris  
Organa ? me rutilis asfere Christe polis.*

Quartium  
Lucis  
S. E. P. I.

8



EMBLEMATICÀ IMAGO XII  
S. PETRI EPISCOPI DAMASCENICRVCIFIXI  
EXPLICATA.

**S**ANCTVS PETRVS Episcopus Damascenus, amputatis manibus, pedibus, linguaque simul auulsa, à Principe Agarenorum in crucem sublatùs est. Sine pedibus cælum ingreditur, sine manibus accipit palmam, sine lingua loquitur Deo, & monet nos omnes, vt & manus & pedes præcidamus, si fortè impediunt, quò minùs in cælum veniamus. Huc pertinet, quod frater Ægidius discipulus S. Francisci monebat: *Si vis benè & acutè cernere, erue tibi oculos. Si vis audire perfectè, obtura aures, vt sis surdus. Si vis rectè & præclarè loqui, præcide tibi linguam, vt obmutescas. Si vis probè efficere omnia opera tua, amputa manus tuas. Si cupis esse membris omnibus integer & perfectus, mutila ea.* Hoc ipsum est, morè PETRI Damasceni, mysticè carnem propriam crucifigere. Præterea crux satis grauis est, in eum statum hominem esse redactum, vt coniunctos sibi amicos teneatur à se repellere, si velit regnum cælorum sibi promereri.

O 2

Quam-

Martyrol.  
Menolog.Quartium  
Crucis  
S. PETRI

Luc. 14.  
26.

Quamobrem CHRISTVS charorum omnium renuntiationem cum laboriosa cruce coniunxit. Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Pars arboris abscissa crux est, & hæc arbori, terræ, radicibusque renuntiat, ut fiat crux; & quisquis se ad formam crucis componit, debet abnegare parentes, propinquos, omnes charos & amicos. Sic PETRVS Damascenus suadet, persuadet item CHRISTVS, qui passioni iam propinquus abire permisit Apostolos, amicos nimirum suos, & in passione sua religiosus cultor silentij, valedixit Matri & Ioanni, suisque se charis pignoribus orbavit & priuauit.

Sympathia  
Christi &  
Petri Da-  
masceni  
Artificum  
vitandi  
scandali.

Ioan. 19,  
26.

### CRUX PETRI Damasceni, Crux scandali vitandi.

Crux vitandi scandali, instrumentum artis bene viuendi.  
Matth. 18, 8.  
Excitatio laborantis.

STATIS magna crux censenda est, quam Redemptor noster iniunxit, & simul apposuit, cum dixit: Si manus tua, vel pes tuus scandalizat te, abscide eum, & proiice abs te: bonum tibi est ad vitam ingredi debilem, vel claudum, quam duas manus vel duos pedes habentem mitti in ignem aeternum. Quanta crux ista fit, exponit in hunc locum Hieronymus. Igitur omnis truncatur affectus, & vniuersa propinquitas amputatur.

tatur, ne per occasionem pietatis vnusquisque credentium  
 scandalo pateat. Si ita est tibi coniunctus, vt manus, pes,  
 oculus, & est utilis atque sollicitus, & acutus ad per-  
 spiciendum, scandalum autem tibi facit, & propter disso-  
 nantiam morum te pertrahit in gehennam, melius est, vt  
 & propinquitate eius, & emolumentis carnalibus careas,  
 quam dum vis lucrifacere cognatos & necessarios, causam  
 habeas ruinarum. Accedit & Augustinus libro de Sa-  
 lutar. docum. cap. 22. Amicus est, oculus est, manus est,  
 amputa, & proiice abs te. Noli consentire. Membra et-  
 iam nostra in corpore nostro confusionem faciunt. Unitatis  
 coniunctione viuunt, & connexionem inuicem connectun-  
 tur: vbi dissensio, ibi morbus & vulnus est. Accedit &  
 Cyrillus lib. 12. in Ioannem cap. 22. Discimus quando  
 tempus ad certamina vocat, ne si etiam qui charissimi no-  
 bis sunt, prohibeant, turpe forsan putantes, mentem vl-  
 lo modo illis adhibeamus. Non enim à satanà differt, qui  
 scandala ponit, & quibuscumque modis à recta sententia  
 homines seducit. Quod etiam CHRISTVS ostendere vide-  
 tur. Si oculus, inquit, dexter scandalizat te, erue eum, <sup>Math. 5.</sup>  
 & proiice abs te. Quod enim à felicitate nostra nos semo-  
 uet, etiamsi amicitiae lege nobis coniungitur, etiamsi natu-  
 ra ipsa & sanguinis proprietate copulatur, non nostrum,  
 sed alienum & hostile putandum est.

CRUX PETRI Damasceni, Crux  
ægotantis.

*Instrumen-  
tum artis  
bene mo-  
riendi.*

**C**UM morbus ingruit, & vsu manuum, pe-  
dum, & linguæ impedit, PETRI Damasceni  
instar lecto affigitur ægotus. Quod si æger mani-  
bus, pedibus, & lingua labi consueuerit, soletur se  
ipsum, cum videat peccandi instrumenta & organa  
defecisse. Cum manus & pedes deficiunt laboranti  
podagra & chiroagra, si lecto fixus inhæreat, redac-  
tus ad eum statum est, in quo PETRVS Damasce-  
nus depingitur. In hoc ipso statu erat Gregorius  
Magnus, sicut & ipse scribit lib. 7. Epist. 127. *Pecca-  
tis meis exigentibus, ecce iam vñdecim menses sunt, quod  
valde rarum est, si de lecto aliquando surgere potuero.  
Tantis enim podagræ, tantisque molestiarum doloribus pre-  
mor, vt vita mea mihi grauissima pœna sit. Quotidie enim  
in dolore deficio, & mortis remedium expectando suspiro.*  
Redactus ad hanc necessitatem infirmus, cum ia-  
ceat in lecto, corporis orbatus functionibus, nec  
se, nec statum suum despiciat, sed audiat Ambro-  
sium lib. 1. de Iacob & vita beata, cap. 8. *Sed forte  
aliquis putet, ægritudinem atque imbecillitatem corporis  
impedimento esse ad perfectionis munus implendum, et  
quod non possit opera manuum vlla factaque prodere.* Ve-

*Excitatio  
ægotan-  
tis.*

DE SUPERIORIB. CRUCIF. ET CRUCIFERIS. III

rum ea sibi iustus impedimenta esse non sentiet, imò etiam  
rum, qui illa mirabiliter defleat, corripiet, & quasi  
ignauum arguet, quòd plus in corporis vsu, quàm in ani-  
me virtute constituat. Elucebat hæc virtus in Bernar-  
do affixo lecto; qui cum extremè agrotaret, ne ce-  
teris scandalo esset, mori malebat. *Viuerè, inquit,  
erubescò, quia parum proficio: mori timeo, quia non sum  
paratus: malo tamen mori, & misericordia Dei me com-  
mittere & commendare, quia benignus & misericors est,  
quàm de mala mea conuersatione scandalum facere.* Discat,  
ager mori potius quàm scandalum dare: discat &  
orare: Rex gloriose, cuius crux diligentibus legem  
tuam scandalum non est, hanc mihi gratiam con-  
cede, legem & crucem amanti, vt corporis ægritu-  
do quam patior, tollat & abscindat omnia offen-  
dicula, quæ salutem animæ impediunt. Quisquis  
hoc in votis habet, componat se ad formam PE-  
TRI, qui legem de scandalo laram religiosè serua-  
uit, & seruandam è cruce docet; docet & patien-  
tiam, quæ necessaria est iis, qui cum ipso laborant  
& agrotant.

Leuamen laborantis & ægrotantis.

**R**ex gloriosus nec manus, nec pedes, nec lin-  
guam ad vindictam in cruce habuit, & idem  
Agnus

*Virtus Eu-  
charistia.*



Agnus nec manus, nec pedes, nec linguam videtur habere consecratus in Eucharistia: ad leuamen superiorum suorum, qui propter custodiam legis huiusmodi membrorum usu sese priuant, & eorum functionem patientes in lecto non exercent. Hoc

Matth. 11,  
28.

vocat CHRISTVS cum dicit: *Venite ad me omnes, qui laboratis, & onerati estis, & ego reficiam vos.* Et quidem iacens in lecto homo nec pedes habet nec manus, vt teadat in cælum, & illud apprehendat. Succurrit eius indigentia CHRISTVS, qui post sumptum iam

Viaticum.

Viaticum exierit è sacra Hostia pedes illos sacrosanctos, quibus in cælum ascendat, manus, quibus illud capiat, ac fortiter teneat.

Gloriosum opus Artis Crucis & patientia,  
Aurea & aureola corona.

Honor alit  
artem be-  
ne viuendi  
& moriendi.

**G**Loriosus Rex, qui propter vitandum scandalum, scissionem pedum & manuum, priuationemque visus ordinauit & intimauit, meminit remunerationis futuræ in cælis, cum dixit in Evangelio: *Bonum tibi est ad vitam ingredi debilem vel claudum, quam duas manus vel duos pedes habentem, mitti in ignem æternum.* Bonum quidem PETRO est se in cælesti patria præsentare, pro cuius amore & defensione permisit se manibus pedibusque truncari. Deco-  
rum

Matth. 18,  
8.

cum satis est pro patria similia pati; pro cælo &  
 regno Dei eiusmodi iacturam facere, multò glorio-  
 sius est. Terrena patria decorare potest eos, qui pe-  
 dum & manuum detrimenta propter ipsam subie-  
 runt, reparare tamen & restaurare minime potest:  
 cælestis verò patria magna cum gloria factas pro se  
 iacturas omnino tollit, & membra amissa reddit ac  
 restituit. Nouerat hanc gloriosi Regis virtutem puer  
 ille Machabæus, qui iussus extrahere linguam, &  
 manus extendere, vt carnificis gladio amputarentur,  
 linguam postulatus citò protulit, & manus constanter ex-  
 tendit, & cum fiducia ait: E cælo ista possideo, sed pro-  
 pter Dei leges nunc hæc ipsa despicio, quoniam ab ipso me  
 ea recepturum spero: ita vt Rex, & qui cum ipso erant,  
 mirarentur adolescentis animum, quòd tamquam nihilum  
 duceret cruciatus. Ad stuporem etiam hostium nihil  
 tormenta curabat, cum sciret pati se pro cælo &  
 Deo, cuius potentia erant cum magno fœnore  
 membra perdita refarcienda. Hæc fortis ac valida  
 meditatio & cogitatio est, qua patiens in ipsa se-  
 ctione membrorum despiciet cruciatus, despiciet  
 & amicos, notos & propinquos, expectans plenam  
 & plenariam compensationem cum ingredietur ad  
 vitam, & ad vitæ simul coronam admittetur. Hac  
 spe & expectatione suffultus cum Laumarus Abbas

Si vola  
 tollentis  
 ex se scan-  
 dala.

P

affi-

affixus lecto, & priuatus suorum membrorum vlti-  
 bus esset, in extremis affirmabat: *Ego letus sum an-*  
*imo, ineffabilem Dei misericordiam appello, vt ianuam pi-*  
*tati suae velit mihi patefacere, meamque spem & expecta-*  
*tionem certa promissionum suarum remuneratione solari.*

*Extrema  
 verba mo-  
 rientis.*

Proferatur nunc in publicum sancti CLEMEN-  
 TIS Episcopi & sociorum exemplum; in quo, tam-  
 quam in praclarissimo speculo, ferentis zelum &  
 morbum forma conspicitur.

